

迦陵詞全集

迦陵詞全集卷二十七

宜興陳維崧其年著

弟 維岳緯雲 叅閱

宗石子萬

選

男履端

校

姪賜薛

賀新郎

茶村寺寓逢庭栢上人有贈

上人善吳飲為蘇叟高弟兼工搗鼓

急雨銅街沒喜暫過一僧不俗有愁都豁半世不曾持梵

唄只唱曉風殘月讓袞袞兒成佛音節柔和兼妙好鬢

陀花簌簌翻林樾遺恨事無毫髮 繫繫畫鼓春雷發似

臨潁十三娘舞劍光奔突贏得闍黎爭匿笑詎是靈山衣

鉢長嘯也岑牟難脫萬事誰真誰筭假拍紅牙那便閒生
活持此意問迦葉

春夜聽鼓師搥鼓

月黑燈搖霧看鼓史岑牟單絞當筵箕踞苦竹哀絃爭欲
闌靜聽八音之主讓老輩憑陵今古紕地一聲千韻響掣
紅旗突陣將軍怒荷珠迸碎如雨有聲詎比無聲苦又
垂手齋槌小歇凝情無語忍俊不禁停又滾隱隱春雷慢
吐十三段花攢錦聚十番鼓共
有十三段打到五更心已碎正疑愁
似夢無尋處方趁拍猛然住

自嘲用贈蘇崑生韻同杜于皇賦有小序

于皇曰朋輩中惟僕與其年最拙他不具論一
日旅舍風雨中與其年杯酒閒談余因及首席

決不可坐要點戲是一苦事余常坐壽筵首席
見新戲有壽春圖名甚吉利亟點之不知其斬
殺到底終坐不安其年云亦常坐壽筵首席見
新戲有壽榮華以爲吉利亟點之不知其哭泣
到底滿堂不樂相與抵几大笑何兩拙兩地兩
筵兩劇不謀而同也故和此詞余因是亦有此
作

高館燈如綉屈指筭攝衣登座放顛時有慣罵孟嘗門下
客無過鳴鷄盜狗吾寧與灌夫爲友曾被兩行官伎哂玳
筵前一片喧聲透香醪潑汚紅袖歡場百戲魚龍吼却
何來敗人意興開人笑口自顧無聊惟直視奪得鸞篋搔
首叱若輩何堪祇候事後極知余謬悞恰流傳更有黃岡

叟疎狂態誰甘後

新安陳仲獻

名策

客蜀總戎幕府常贖一俘婦詢之

蓋仕族女也仲獻閉置別館召其夫還之聞者

艷其事爭爲歌詠適宣城沈子公厚書來徵詞
因賦是篇

天畔蠶叢路記當日錦城絲管華陽士女一自愁雲霾蜀
棧飛下桓家宣武有多少花鈿血污十萬蛾眉齊上馬過
當年花蕊題詩處葭萌驛鵲啼苦春宵高譙元戎府明
月下玉容黯淡有人低訴妾本成都良家子歎息驚分釵
股客亦爲淚零如雨擲却黃金歸破鏡問德言還認菱花
否叶吾事畢拔身去

余與于皇作自嘲詞竟于皇復謂余曰忽憶一事

大資嗚噓背甲申闖賊之變迎降者太司馬某
亦與焉其人後官兩浙開譙西溯召梨園侑酒
卽命演闖賦破都城故事數齣後闖賊入城一
人執手板蒲伏道旁自唱臣兵部尚書某迎接
聖駕蓋某卽坐上某也某悵然不釋良久曰嘻
亦太甚矣某何至是遂罷酒去余與于皇撫掌
之次同賦是詞仍用原韻

嶺對離宮綉聽鞀鼓漁陽遺恨乾坤罕有記得黃巾初入
洛朝士馬都如狗還自許師臣賓友誰把侍中貂細擗錦
河山忍被軍聲透八風舞郎當袖梨園白髮潛悲吼誰
信道千秋南董繫諸伶口馬上彎弧爭欲射客有道旁泥
首捧降表夕陽亭候今日堂堂紅燭裡正當年肉袒牽羊

叟頭暗觸屏風後

中秋前五日看早桂

灝氣收殘暑恰金飈夜來染就小山幽樹叢桂離離香滿
徑正值秋棠開處掩映也倍添嬌嬾紅燭三條圍鎖院記
姮娥不肯相憐取平生恨那堪數 思量舊事多如雨憶
前生婆婆曾在清虛之府淪謫紅塵三十載却羨廣寒清
苦忘不了花陰玉兔月到中秋光定滿折花枝吾欲驂鸞
去再快作霓裳舞

絳夫詞

戰艦排江口正天邊真王拜印蛟螭蟠鈕徵發樞船郎十
萬列郡風馳雨驟歡閭左騷然鷄狗里正前團催後保盡
累累鎖繫空倉後掉頭去敢揺手 稻花恰趁霜天秀有

丁男臨岐訣絕草間病婦此去三江牽百丈雪浪排檣夜
吼背耐得土牛鞭否好倚後園楓樹下向叢祠丞倩巫澆
酒神祐我歸田畝

秋日竹逸約同雲臣紅友渭文石亭看桂

萬斛涼雲瀉買蜻蛉烟潭容裔晴秋瀟灑黃葉村中行不
遠隱隱前山精舍人已被暗香縈惹纔見巖梅齊着粉染
西風叢桂旋開也流光駛似奔馬拾舟緩服尋蘭若正
霜簷累累金粟參差低亞竹色泉光幽映極携得一樽堪
把問此樂何如僕射忽見高塋延野燒似赤龍威踏山都
赭矯首看莽驚詫

重游菊圃紀事

烏柏全紅也過溪橋重游昨日竹籬茅舍笑語生香來漸

近衫影參差入畫見一隊明粧淡雅要撚黃花親比瘦小
闌干不許簾兒挂人與菊並堪把 霜天短髻驚衰謝恰
何緣人間尚有鈿車羅帕萬事西風吹散了黃葉漫天而
下偏只向看花人打若使淵明今日在料先生也被閒情
惹狂奴態甘遭罵

題思嗜軒爲姜勉中賦用題青瑤嶼原韻

軒前棗樹數株

爲貞毅公手植
故以思嗜名軒

羊棗經霜罇記當年狂歌曾點甘同嗜鮮老榦虬柯三四
本冷翠幽光團射曾脫帽行吟其下一自人纏風木恨剩
檣楹仄磴欹危怕蘿葛翳麤麤挂 三年淚爲思親灑葺
亭軒崢泓明瑟重開圖畫粉壁疎窗仍艷好拭盡塵埃野
馬果熟也莫從人打不是灤西饒漸惜是前人口澤斯存

者歌纂纂蔭堪藉

別郎官山雪霽圖送家伯駒還八閩

閩嶠盤天際，悵連年。慢亭昔夢枕，邊頻製榻得。郎官山半幅，目斷層崖雪。霽飛不透鷗，鵠聲裡今日真成歸。計穩漲蠻天一片南，還騎枕柳，麪家山味。前灘喚困，鄉音細傍榕陰，晶丸萬顆，依然斜綴綠。驪房邊紅齒，屐喧笑，應門童稚。誰暇訴飄零情事，少頃武夷君有信也。頭童面皺，驂鸞至，驚此別幾年歲。

繆園與穀梁話舊

鵲舌啼春冷，記并州十年飄泊。蝶僥蜂倖，花露微蒸，纔抑鮓小閣。園香說餅，開多少簾痕，帽影燭底新翻。楊枝曲字斜行，寫上春衣領。只此事君應省。江南四月殘紅靜，又

逢君斜陽一水盈盈舴艋暫借芳園聊話舊坐皺綠蕪三
徑筭聚散來朝難定鴻爪那能長留住笑繫腰彭祖徒窺
井一彈指三生頃

竹逸齋中紫牡丹枯而復生爲填此詞

日煖鶯聲細喜亭亭依然玉琢吳宮小字暫別紅塵剛一
載還傍書樓珠砌却又鬪新興鬢髻多少桃腮和杏臉筭
舊人遠勝新人麗論族望雒陽魏看花漫憶當年事記
人名一般顏色幾般才藝自被子規催去急零落嬌香滿
地拚舞榭爲伊長閉若使紫臺真再返笑鴻都枉用騷
計花凝笑又含睇

舟泊楓橋同吳廣璧小飲金華昭齋中歸過寒山

寺因憶昔年阮亭王先生入吳夜已曛黑風雨

雜遝阮亭攝衣着屐列炬登岸徑上寺門題詩
二絕而去一時以爲狂今別去六七年矣悵然
賦此并懷阮亭

纜繫烟汀尾見一派江村橋下斜陽水市西舫東船那可
語且過幽齋謀醉恰海蠶圓甘盈七歸路欹渾如棧狹映
頽牆倒出驚奇鬼人道是寒山寺 寺門話向同行子記
王郎昔年黑夜衝泥經此掾吏兩行爭匿笑笑看官今何
事乞火照破扉題字今日滿廊蝸篆綠捫壁間蝌蚪無存
矣誰會我懷人意

題孫赤崖小像用曹顧庵學士韻

圖中三
孫連側

入洛人如璧記當年才名爭數江東孫策况值賢兄新奪
幟謂扶桑
幾元也細馬春游禁陌看兩兩油幢綉戟倏忽浮雲生

宮殿十九年罰作長流客纔出塞髣先白
京華握手鳴珂宅劇悲歌蛾眉勸酒酖酥行炙今日閨門重見面更盡
杯中琥珀總莫問鴻泥雪迹一笑披圖三珠樹美兒皆字
搗奴呼釋猶兒釋奴皆前人小名萬戶樂君休易

贈徐月士次友人韻

萬事都成昨剩胸中不平鬱起峯巒確犖我有匣中三尺
水澁盡寒鋌冷鐸夜夜聽秋城鼓角青眼誰人吾竟老喜
逢君交道真堪託忘不了燈前約封侯自有嫖姚霍且
高歌蹲蹲舞我烏烏和若十載樊川狂客夢贏得揚州一
覺漸袞徧四條絃索綠醕黃花拚盡興管來年綵筆驚河
朔休只憶江南樂

友人蔣子馭鹿落拓都門遨遊王邸綠池應教稱

曠代之遭逢清夜陪游極一時之際會旣而淮
南仙去子晉丹成悲翠輦之潛移悵金牀之不
見薪愁入夢昔事銷魂憔悴南還傷心實甚適
儲子雪持相遇吳閭歸言茲事爲賦是詞

朱邸分青社記當日竟陵文藻彭城風雅盛世天家敦玉
牒花萼交輝共亞正內殿霓裳舞罷龍子一從歸大漠悵
陳王不憚苔生榭呼賓從銷閒暇鄒陽流落江潭夜剔
秋燈故人重見在楓橋舍憔悴白頭論往事多少鸞箋鳳
帕說不盡銅興佳話今日金風吹兔苑任西宮花放還花
謝據夢到王門下

飲華商原齋頭追憶錢吉士先生先生商原婦翁
余曾執經門下

三十年前事記童年章華曾作屈平高弟家本寶華山下
佳門映石湖荷菱有一帶疎軒曲砌憶得危崖騰健鶻咽
秋燈夜半歌山鬼風乍刮髻成蜩 淒涼閱盡人間世看
多少經堂書庫析爲馬肆舊日生徒今亦老相對賢門佳
婿更似舅魁然無忌是日并晤商原令嗣且盡君家黃菊酒論人生
一醉爲佳耳西州慟成何濟

途次遇華子瞻憶二十年前子瞻與秦對巖太史
齊名均齒游處畧同對巖官禁近居林下已十
餘年今復從軍湘楚行色甚壯而子瞻淪落如
故詞以寄慨

少日敦槃約記同游梁溪二妙華年相若繡袷紅衫雙掩
映宛似連枝花萼船並艤綠楊城郭一客日邊紅杏放染

爐香日講龍樓幄又十載歸田樂 彈冠近日之荆鄂壓
秋江水犀下瀨雄姿馬稍帳下廬兒三十萬伐鼓開船黃
鶴旗獵獵北風夜作一客纖絺纔掩肝到霜天敗楮那堪
着姑一笑視寥廓

虎丘劍池作

山腹蒼皮鱗劈巉巖一窪深黑險於人鮮仄嵌斜攢龜脊
滑林氣水聲交射有屈曲龍蹠其下上構危梁凌絕巘窈
而深鑿孔行人怕吸冷瀑半空掛 壞廊欹磴哀湍瀉望
參差雕櫺黛閣晶熒入畫故國江山還在眼添了西風戰
馬又殿上夜鐘將打雨蝕殘碑名姓在醉摩崖汝是知音
者

石壁土有黃姬
永唐寅題名

相對坐草堪藉

五人之墓再用前韻

古碣穿雲罅記當年黃門詔獄群賢就鮓激起金閭十萬
戶白梧霜戈激射風雨驟冷光高下慷慨吳兒偏嗜義便
提烹談笑何曾怕扶吾日胥門挂銅仙有淚如鉛瀉悵
千秋唐陵漢隧荒寒難畫此處豐碑長屹立苔繡墳前羊
馬敢輕易霆轟電打多少道傍鄉與相對屠沽不媿誰人
者野香發暗狼藉

同園次過半塘飲戴季默家三用前韻

搖櫓蒼波罅食指動洞庭筍截潯陽魚鮓掠過半塘橋不
遠雪練銀濤噴射村漸逗屋邊離下一路橫江吹鐵笛調
崩騰恐惹魚龍怕好都取水窗挂到來便把金荷瀉劇
清幽竹梧相壓尊罍如畫老子放顛須盡興管甚南來兵
馬時駐防兵初到酒已罄何妨再打門外八騶堪拉飲問乾坤誰

勝公榮者玉山倒醉相藉

姜貞毅先生敬亭山房卽文文肅公清瑤嶼也文肅與先大父同年而余尤辱貞毅公知愛今兩賢先後淪逝而余老客吳閫適勉中學在開尊酌我不禁人琴之感爰賦此詞四用前韻

閣迸巔岈罅漱松醪紅薑點豉綠荷包鮓醉憶尊公賢給

事百感濤傾弩射記惜別月明橋下

余與貞毅公握別廣陵

倏忽山

丘華屋恨帶女蘿山鬼招魂怕延陵劍何由挂

乳魚軒

畔微波瀉縹牆邊亭臺金粉李將軍畫更憶平泉花木好丞相曾施行馬今日也雨淋霜打我有兩層思舊淚總一聲隣笛吹來者莎徑軟仰天藉

飲范龍仙齋頭感舊并示王升吉五用前韻

履印蒼苔罅恰經過故人爲我摘蔬蒸鮓酒後燭花爭怒
裂颯颯霜颺酸射笑李蔡爲人中下身似江潭流落伎但
開元舊事重提怕銀箏在梁塵挂牙籤列屋香芸灑尙
依然爐薰枕茗法書名畫入載離情何處寫贏得琮琤簪
馬被一夜西風亂打草沒吳宮人去久筭堂前燕子無存
者羅襟酒任沾藉

蔡九霞招飲同雲間沈友聖賦六用前韻

九霞尊人忠襄

公殉國賊之難

石腹空而鱗鬪巘屹斜欹壓笋龍孫幾鮓屋後松杉都作
勢黛色濤聲噴射且與客提壺其下恍慨攝衣升上坐夜
蒼茫說劍空堂怕衣露肘詩瓢挂忠襄碧血高原灑誓
三光騎箕裏革丹青圖畫抵几奮髯談往事恨殺乾坤劍

馬將如此金甌碎打且向蔡經家爛醉只今宵背癢誰搔
者天可慕地爲藉

讀漢書李陵傳七用前韻

壺口敲成鱗向床頭一編佐苦勝於鷄鮓痛惜河梁李都
尉飛將家聲善射今至此子卿足下陵旣辜恩漢負義睨
刀環再辱男兒怕高高月長城挂身降名恥憑誰灑笑
紛紛人奴衛霍凌烟描畫循髮更衣聞緒語起聽悲鳴櫪
馬正萬帳嚴更齊打讀未終篇浮大白劇堪憐箭盡蘭山
者頽然醉花陰藉

吳門喜晤丁飛濤賦贈八用前韻

生入榆關鱗記曾嘗錦州銀鼠遼河鮮鮮雪窖羝羊天萬
里鴈足帛書誰射長夢汝李陵臺下頭白如今歸故國見

人民城郭心驚怕，携瓢笠無牽挂。
斷橋十里荷香灑，恰晴湖亂餘西子。
蛾眉重畫一笑風前齊，得喪世事寒翁之。
馬稽首謝獅王，捧打落拓蘇臺知已少。
只青山尚似當時者，杯正綠掌堪藉。

月夜泊舟平望九用前韻

撥刺疎罾罅，正江鄉蠶黃斫。
鱗萍香抑鮓風弄檣燈千萬點，點點隨波漂射光。
直透水晶宮，下寥亮空潭飄水調客。
船孤燭冷聽來怕，月又向前村挂。
噲吟鞵鞞銀濤灑，恰隣舟亂旗雜火軍裝。
如畫下瀨戈船身手健，使得帆如使馬惡浪裡攤錢白打歸矣。
吾家陽羨里學當年射虎南山者，任鄉里苦無藉。

鴛湖烟雨樓感舊十用前韻

水宿楓根罇儘沽來鵝黃老釀銀絲鮮鮮記得箏堂和伎
館盡是儀同僕射園都在水邊林下不閉春城因夜譙望
滿湖燈火金吾怕十萬盞紅毬挂重游陂澤偏瀟灑剩
空渾半樓烟雨玲瓏如畫人世繁華原易了快比風檣陣
馬消幾度城頭鐘打惟有鴛鴦湖畔月是曾經照過傾城
者波織簾船堪藉

過武塘贈魏子存先生十一用前韻

厰倚龍松罅記從公紅槽壓酒玉盤堆鮓醉數一行天上
鴈玉靶翻身仰射笑萬騎其材悉下我遽別公游宛雒虎
牢關徑仄攀躋怕步步學猿猱挂湘潭鄂渚微雲灑人
爭羨文章宗三江山圖畫歎我還鄉悲伏櫪老作空牆病
馬骨骼瘦憑誰鞭打乘興扁舟來話舊雨迷離自笑棲棲

耆風雅事惟公藉

魏塘舟中讀錢爾斐先生菊農詞稿十二用前韻
筆補媧天罅笑詞場止食濃腴誰餐龍鮓只有菊濃詞一
卷竹翠梧光團射向楮墨濛濛欲下爽勝哀梨清橄欖更
險如雪樓宵行怕快瀑布炎窗挂 墊巾墊服神飄灑句
清圓諸般易及一清難畫把向鴛鴦湖上讀澗水奔渾似
馬雪又向蓬窗亂打好琢琉璃爲硯匣架霜毫床用珊瑚
者還倩取錦綾藉

謁梅花和尚墓十三用前韻

係元高士
吳仲圭

古碣穿雲罅奠幽墳聊供蒲筍奚煩脯鮮搖曳疎花三四
本雪魄冰魂光射墓正嵌橫斜之下隧道蘚皆純鐵色捫
斷崎嶇獸碑紋怕薜荔黑墻陰挂 蕭蕭小院空香灑指

高原一坏雲水此中有畫一自趙家陵闕燬極目西風石
馬總分付浙江潮打只有巋然斯家在落梅風捲散樵蘇
者英滿地衫堪藉

甲寅除夕十四用前韻

舊曆修窗罅嘆貧居支離困蠹醢鷄瓮鮓苦憶常年逢此
夜譁笑闌藏覆射賭瓜子黃柑樓下今日飄零諸弟妹夢
蒼涼亭榭潛行怕最怕是躡鮑挂六街人靜梅風灑望
層城明簾夜火依然入畫淮擬東風來歲好屏當春衫細
馬看士女鞦韆笑打萬事總如池水皺便風吹何事關卿
者椒酒醉枕相藉

乙卯元日十五用前韻

梅瘦侵牆罅趁閒窗椒觴汎蟻辛盤盛鮓抖擻門丞素叔

寶貝帶璘爍光射笑公等寄人簷下鏡聽竈前占吉語願
今年烽火無驚怕雙彩燕釵梁挂軒墀未掃先宜灑待
春來桃鬚杏臉雨梳烟畫五十過頭吾竟老說甚高車駟
馬任街鼓群兒戲打天意蕭蕭偏釀雪小樓前已有紛披
者拂簾幌紫茵藉

登南嶽寺大悲閣

峭閣騰危鵲映新晴亂崖杏嶂龍湫獸窟竹粉松脂空翠
極狼藉山厨僧鉢分一半綠人毛髮倒灌寺門香雪海又
巖梅萬樹參差發微笑處忘言說 颺颺悲嘯春禽聒更
林間泉鳴谷響慘淒神骨今不來游春漸老辜負浮生作
達且放眼人間寥濶閣背一拳看愈好蘚痕皴嵌就玲瓏
月依稀是袁家渴

送西蜀余生赴洞庭梅社之約

積雨晴光霎，偃南榮。蕭然斗室，爐熏梵夾，門外綠潭風亂。

響何處，檐聲颯颯，又驚起，陂塘睡鴨。此地蜀風殊不惡，

蜀風

陽美地以東坡得名。况翁家原住巴東，峽姑小住，歌相答。翁言光

福村中，塔十年來，與周旋久。民風頗洽，每到春時，向晴昊，
千樹繁花亂插。玉浪捲，直衝茗雪。茶竈筍與屏當，未鶴猿
盟，夙訂三章法。亟歸荷伯倫鍾。

讌玉峯徐健庵太史宅歌舞烟火甚盛

月照梨花午，讌華堂。西京趙李，東都燕許，玉珮珠袍聯翩。
至綠酒春缸正，乳不須恨，英雄無主。穆護沙纔袞，徧了九
天。開飛下瑤臺女，又解作霓裳舞。偃師百戲，堂堂去看，
塲圓交竿放出火蛾，無數髣髴蜃樓海門市。西極狻猊偏

怒更炮打襄陽門戶頃刻鴉啼金井曉
掀頭船且睡波深處蓬背上響春雨

不晤黃子艾庵十餘年矣昨南畊自郡至艾庵以
溪南詞一卷寄予循覽之次追感舊游兼懷鄒
董愴焉填詞卽用溪南詞中韻

強飯還能否說年來家同鷗泛門央鶴守細註農家新月
冷樂事吾生儘有茅簷下烏烏擊缶罨畫戴溪都不惡好
風六落閒人手君漫士余聲叟陡然百感三杯後憶
同時許多嵇阮盡成卯酉何限西風堆馬鬣破碣藤纏雨
溜數宰木蒼蒼如斗一作驢鳴人皆笑繞筵前謾罵撩衣
走袞袞是登場偶

毛卓人示我滿江紅詞數首中多養生家言作此

戲柬仍用贈黃艾庵韻

容我狂言否君幾見紅顏翠髮一生長守萬戶我求還不
得大志訝君偏有竟欲聽飛瓊鼓缶樂大城頭閒騁望問
何人賜水曾携手空絕倒繫腰叟生天靈運吾廿後且
陶陶三杯卯酒醺然到西幾度罡風天際捲閭苑露桃紅
溜枉費了厭禳星斗我自人間能倔强碧霄宮嫩逐仙班
走任相笑道傍偶

奉答蘧庵先生仍次原韻

炊熟黃粱否笑乾坤駉駉非天彭錢非壽世上英雄本無
主感激何常不有會要把趙平原繡禍首從來倉頡字更
怪他煉石媧皇手偏欲向虛空鏤神仙將相俱難就悵
生平舞衫歌扇藥爐茶臼已矣無成三弄鐵長倚秋江夜

吼知我者荆溪浮叟憂醒半窗蕉鹿夢謝風篁汝是驅愁
帚休再打唾壺口

奉贈蓮庵先生仍次前韻

識得詞仙否起從前歐蘇辛陸爲先生壽不是花顛和酒
惱豪氣軒然獨有耍老筆萬花齊綉擲碎琵琶令破面好
香詞污汝諸伶手笑餘子徒雕鏤秦宮漢苑描難就蠹
中原怒濤似箭斷崖如臼我有銅人千行淚撲地獅兒騰
吼聲撼落桶中棋叟鶴髮鷄皮人莫笑憶華年曾奉西宮
帚家本住金臺口

初夏城南觀劇并看小兒作偃師幻人諸雜戲

一夜紅都瘦恰清和街南百戲分棚錯繡爭占晴坡施幔
幄似水畫簾痕皺鶯語剪綠蕪濃盡老大逢場聊逐隊也

婆娑錦瑟銅車後向酒媼且餘酒 曲終雜爨喧厓奏有
僂童交竿綠樵巧將身漏揀地帕腰連損袴踢塙弄丸都
有銀海眩銅峯欲覆萬事總然見戲耳棗梨爭也筭蛟龍
關姑一笑華陰異

乙卯端午

往事思量否記年時天中佳節沉吟搔首此日傷心人漸
老誰耐離騷繫肘喜繞砌葵榴初繡笑看五絲纏艾虎問
汝曹猛氣憑陵久何故縛女兒手 楚天一片驚濤吼沸
中流錦袍雪艦笳鳴鼓奏錯認蘭橈爭弔屈惹起魚龍倨
慙都不見椒漿桂酒罨畫從來無競渡也幸無下瀨戈船
走漁父醉唱銅斗

蘧庵先生令孫女出閨詞以志賀卽次先生原韻

銅盒同心鏤恰盈盈風吹蟬鬢花籠臻首太史門闌新築
館喜氣塵寰稀有况纔屆女兒節後時端午後一日山上有山齊
太華丈人峯長調追辛柳好騰徧香奩口崔盧河北真
嘉耦拊鸛雛玉堂花燭璇房箕帚暫了人間婚嫁事東海
依然碧斂把五嶽芒鞋製就却上玉清鐫氏籍挈一雙鸞
鳳成仙友松與栢訂長久

寄興呈邁庵先生用溪南詞韻

一事然乎否憶宵來朦朧枕上南柯出守碎語幽禽催夢
醒花影半楞還有喜狀下濁醪盈坐一卷烏絲僂寄託怪
時人只道填詞手說詩者固哉叟虎頭骨相吾甘後更
何煩君季季主推辰筭酉但得千秋傳好句鸛嘴啄花紅
溜也抵得腰懸金斗此意可憐還可笑笑何年碧海驂鸞

走仙路杳緣難偶

與毛子公阮交三十餘年矣往時偶過蘭陵每每
于焉下榻自文友亡後經過郡城輒作西州之
慟坐與故人亦復闕焉不面搦管填詞用呈公
阮仍用溪南詞韻

往事思量否記當時伯仁一醉諸公屯守粉壁練裙沾灑
徧墨汁酒痕都有曾醉請秦王擊缶三十餘年如電抹畫
風光少箇丹青手能幾日頽然叟風生百感三杯後憶
從君杯傾三雅書窺二酉今日低吟思舊賦嗚咽山泉決
溜歎鵲血啼完幾斗不是郡樓吾嬾上怕重經董相帷前
走忌不得西園偶

迎岐詩全集卷二十一終

迦陵詞全集卷二十八

宜興陳維崧其年著

選

弟

維岳緯雲

叅閣

宗石子萬

男履端

校

姪賜薛

賀新涼

汴京中秋月下感懷兼憶三弟緯雲表弟南畊暨
一二金陵省試親友

萬斛金波瀉遍人間雲鬢玉臂清輝狼籍歷歷扶疎丹桂
影一碧乾坤欲化人正在汴梁客舍可惜宋家陵闕改燭
銀盤依舊當空挂可還似東京夜關河隔絕愁軍馬憶

家山六朝佳麗許多王謝月到故鄉應倍好無限風亭水
榭料此際金樽對把已矣飄零何足道鼓天風鸞背終須
跨暫且學姮娥寡

作客東京寂寥誰侶西風落葉閒詣旗亭乃延秋
全部於此徵歌中有一人云曾相識訪之知吳
下陸郎也明日顧余邸舍談諧纒纒余落拓無
聊感生厚意爰贈此詞

酒向旗亭貰驀然聞歌絃一縷飄來墻罅却是吳中諸小
部隊隊檀槽羅帕群合樂南薰門下中有一人尤相熟是
襄王筵上曾逢者一句句鄉關話更闌軟語終難罷歎
此間梁臺宋苑斷垣頽瓦我到東京真失計卿亦何爲然
也得母類明妃遠嫁此語殊悲非相戲碎花枝莫漫將人

料

打英雄淚浩盈把

登上方寺鐵塔

塔建于宋仁宗慶曆四年
前朝壬午河決曾沒于水

欄楯浮空去，薔玲璫榴皮石髮青紅無數看盡，宜和風景。
好又看宮娥北渡，有多少梨花夜雨。西望銅駝荆榛裡，算
千秋老輩惟吾汝。晉宋事總塵土。鴻濛一氣憑軒取，躡
丹梯千盤百級上，通玄圃根，插中原維地軸，其下黃河一
縷。曾經過怒濤煎煮，無限西風神州恨，倩相輪做盡興亡
譜。鈴鐸響自相語。

閏五月五日金沙道中次劉後村韻

浪濤驪珠吐，傍城河依然游冶水。嬉消暑前月葵榴還照
眼，又見龍舟鬪虎。何不唱公乎無渡，兩遍蘭橈招不得笑。
吳兒枉費閑簫鼓，大魚吼撇波舞。騷人詞客應相許，歎

窮途纍如憐我分予桂醕不信握瑜懷瑾者猶美人間角
黍看萬斛天風正怒此地良常連海館料神仙也念忠魂
苦喚江水捲今古

顏魯公八關齋碑

萬劫何曾壞裂蒼皮筋纏血裏蘚痕攢蠹剝角缺文銅綠
滲部鼎犧尊兒輩風雨急百靈趨拜多事囚螭還掣虎覆
巖巖翻恨孤亭在何不放騰光怪先生當日原兵解想
揮毫握拳透爪筆鋒英快門枕睢陽荒戰壘斷鍊愁燐似
海呼南八聲情忼慨千古雙忠遺跡並剔殘碑洗盡纖濃
態鷹側惱攫天外

九日後一日爲呂舍章姬人催粧

憶昨登高去上平臺茫茫千里碧雲紅樹忽見香塵風外

動帽影衣痕無數人正在銅街偷娶我揀簾櫳深處閣袖
郎當醉學迴波舞還競打細腰鼓 題糕罷作催粧句美
新官顛狂調笑酒龍詩虎俠少兩河誰不識獨跨馬中赤
兔馬上者人中之布屈指明年隨大婦捧掌珠雙向花前
賸蘭與菊秀終古

感事

太息人間世記南譙秋窗夜話客談新異傳說當湖扶風
馬烜奕上卿門第歎仰藥一朝身死紅粉成灰高樓燼笑
當年枉費閒金翠剩滿院斜陽碎 扁舟疾下金鰲寺又
傳聞人天帝釋跣趺西逝多少神仙蓬島葬惹得銅仙流
淚昨又說井陘奇事醉倚江船成一笑總輸他裡角東村
子牛背上笛聲起

輓驥沙朱南池先生

先生諱士鯤明末以明經謁選得粵西柳州府武宣縣南

荒僻遠

國初尚未入版圖先生忠於所事歷

官至吏科給事中子澆任北流知縣壬辰王

師入粵先生偕子澆暨闔門三十口俱殉節於

北流之黎村後數年其子溶徒步七千里覓先

生埋骨所幸不得遂慟哭歸余敬爲

詞奉誄并寄其令嗣孝廉徵文學溶

淚濕蒼梧樹是千年騷人謫宦舊銷魂路中殪國殤三十

口岷杏靈旗似雨光剌剌雲中顧慕鉅鉅潭西羅神廟笑

迎神枉費昌黎句須讓爾飲椒醕招魂哭入南荒去痛

孤兒芒鞋曾踏萬山愁霧峭壑懸崖藤羃歷日落啁啾翠

羽尋不徧鵬鵠啼處誰認當年騎箕客有猩猩夜共獠奴

語蕉與荔繡祠宇

南耕齒疾養疴南岳山房初夏同雪持南水放庵

過訪詞以贈之

是日有五虎踞坐楓隱寺門

臥疾禪房裡問君年纔過四十胡爲如此人笑君同師伯
鬻君只狂呼自喜狗竇豁儘容卿未猶剩左車能決肉更
何妨擁鼻哦經史石可漱礪吾齒青鞋且踏南山寺更
同行詩僧詞客善談名理噉罷山厨櫻笋飯佛閣晴空漫
倚一飽後破除萬事誰坐寺門閒說虎萬山松一霎腥風
起亟揺手真來矣

送蔣京少隨尊公學憲之任豫章

雙槩揺晴淥泝長江潯陽西上浪堆銀屋卿月乘秋映滌
浦高會諸生白鹿美公子翩翩綵服君去鯉庭浮書舫更
何人和我迦陵曲誰共剪西窗燭秋容一望真如沐照
江山廣寒新樣一輪圓玉此地王郎題賦後依舊落霞孤
鶩文采事筭君堪續莫道衡陽迴鴈少倚西風念我成衰

款

獨須頻寄好詞讀

連朝霽色殊佳桂叢復放而寂寂空齋秋尋無策
兼之溪蟹大上手中不名一錢俱恨事也詞以

自嘲并柬雲臣竹逸

六曲銀屏矮見書籤碧空乍沐晴光無賴料得空山叢桂
畔潑徧朝烟暮靄貪結伴鳴榔款乃篋少青蚨愁雇直筭
今年逋了秋尋債還自笑爾胡憊老饕僵臥誰能耐汨
羅涎湖干大上肥香筐蟹擣就橙蠶賒得否溪友得錢方
賣笑吟興因君都敗佳節來朝重九是戰西風破帽今還
在只愁被秋陰礙

丙辰九日

廢堞經秋壞削巖巖下臨絕澗奔渾澎湃俛仰浮生身世

感滿眼黃榆紫塞笑一簪開河無賴多事劉郎題糕客便
彭城戲馬肯安在賢驍蹟總稀稀 橫刀舞袖平生快却
胡爲丹陽男子邇來殊憊細把茱萸簪破帽何限樓船下
瀨歷歷在關干之外粗飯濁醪吾事畢傍東籬且了黃花
債今古恨漫興嘅

中秋前一夕坐月虎丘

月上空山早喜今夜開河一碧游氛都掃二十年前曾醉
此余自丙申中秋看月虎丘今已二十一年矣坐客錦衣玉貌事已作開元天
寶獨對孤光成太息嘆秋娘已嫁何哉老且細把金樽倒
颯然聲犯龜茲調是征南牙門營將等琵琶競攬贏得姁
娥臨桂殿掄袂娟然一笑訝舊曲人間絕少滄海月明渾
是淚料來宵晶餅看逾皎重枕藉澗邊草

丙辰中秋看月虎丘同雲臣雪持賦

風月佳無比看石上冰輪漱灑長空新洗金虎寒芒猶未
散耿耿吳宮劍氣越顯得翠奩如水賒取元宵今夜做展
春燈嵌徧秋山裡十萬盞夜珠綴懸崖疊巘笙簫沸曲
纔終山腰樓閣嬌歌又起簇坐廣場紛笑語何處香飄桂
子問此樂浮生能幾似欲天明天轉碧透星星宿火吳姬
肆涼鬼魄忍西墜

十六夜步月惠山泉亭

短簿祠前月又隨我春申澗畔度林穿樾誰道孤光今夜
減依舊崢嶸泓映徹人尙在廣寒宮闕只恐青天偏有意散
霜華點盡愁人髮搔首望素娥窟孤亭坐久狂歌發亂
山前中宵驚起林端棲鵲憶昨吳宮綠管聞月館風簾盡

揭今只有泉流明滅喧寂乘除原似此
筭嬌歌妙舞終須歇
悟此意是賢達

和竹逸江村遇伎之作

寒食江村約正水上紛紛士女采蘭調謔中
有一人曾相識
記在那家簾閣驚會面愁他非確細取玉容花下認
果天涯斷雨翻重握花欲謝人猶昨
風前小進休仍却從古是蛾眉燕領此身奚託
我有紅綃無窮淚彈與多情灼灼悔則悔當
初輕諾十載雲英還未嫁訴傷心撥盡琵琶
索且少駐對春酌

贈何生鐵

鐵小字阿黑鎮江人流寓秦州精詩畫工篆刻

鐵汝前來者曷不學雀刀龍笛騰空而化底事六州都鑄
錯辜負陰陽爐冶氣上燭斗牛分野小字又聞呼阿黑詎

王家處仲卿其亞休放誕人笞罵 蕭疎粉墨營丘畫更
雕鏤漸臺威斗鄴宮銅瓦不值一錢疇惜汝醉倚江樓獨
夜月照到寄奴山下故國十年歸不得舊田園總被寒潮
打思鄉淚浩盈把

春日拂水山莊感舊

峭壁哀湍瀉枕春山此間原是裴家綠野金粉樓臺還羃
歷已被苔侵綉瓦蒼鼠窠鄴侯籤架今日西州何限感踏
花枝翻惹流鶯罵誰認是羊曇也 西園疇昔高聲價劇
相憐香閨博士彩毫題怕人說尚書身後好紅粉夜臺同
嫁省多少望陵閒話公定還能賞此否裊東風蠻柳腰身
亞烟萬縷正堪把

送姜西溟入都

去矣休回顧儘疎狂長安市上飛揚跋扈誰道天涯知己
少半世人中呂布仗彩筆憑陵今古伏檻悲歌平生恨肯
車中閉置加窮縛君莫信文章誤楊花細糝京江渡恰
盈盈租船吹笛柁樓撾鼓屈指帝城秋更好寄語水輪王
兔爲我照望諸君墓相約當年荆高輩喚明駝倒載琵琶
女葡萄酒色如乳

岳州大捷

上以二月二日宣凱門外是日正值大雪

紫陌春如綺正巴陵征南昨夜捷書飛至闔闔門開排彩
仗夾道笙歌鼎沸都不用魚龍百戲頃刻鳳樓拋鈿屑算
今朝玉做人間世洗兵馬豐年瑞臨軒彌覺天顏喜喜
春城九衢花滿千官珠綴更向銀刀都裡望小覩粉侯殊

麗想入蔡軍容如是譙罷不須宣翠燭水晶毬萬盞天邊
墜長似晝晃歸騎

送四弟子萬之任黎城

中秋後一夕

月尙圓如許只江郎魂消欲別黯然難賦矯首玉河橋上
立爲我斯須還住看歷歷霜毫白兔假使羿妃知此意敝
璇閨應也愁蛾聚何苦炤征鞍去此行莫道微官誤算
人間幾多彩筆難紆尺組上黨舊爲天下脊共說雄藩澤
潞趁年少黃皮縛袴若到三垂岡上過倚西風立馬爲傳
語李亞子竟何處

題曹實庵珂雪詞

滿酌涼州醕愛佳詞一編珂雪雄深蒼穩萬馬齊瘖蒲牢
吼百斛蛟螭困蠶綽蝶拍鶯簫休混多少詞場談文藻向

豪蘇賦柳尋藍本。吾大笑比蛙鼃。燕殘樺燭剛餘寸。道
從來處卿坎壈。韓非孤憤耳。熱杯闌無限。感目送塞鴻歸。
盡。又眼底群公袞袞。作達放顛無不可。勸臨淄。且傳當筵
粉。城柝沸夜烏緊。

贈成容若

丹鳳城南路看紛紛。崔盧門第鄒枚詩賦獨炙鵝笙潛赴
拍花下酒邊閒譜已吟到最消魂處。不值一錢張三影儘
旁人拍手揶揄汝。何至作溫韋語。總然不信填詞誤。憶
平生幾枝紅豆江東春暮。昨夜知音纔握手。笛裡飄零曾
訴長太息。鍾期難遇。斜插侍中貂。更好箭髯鳴從獵。回中
去。堂堂甚爲君舞。

送三韓李若士省親之楚

若士尊公時
爲湖廣提督

秋到離亭暮美風前珊鞭玉靶翩然竟去借問此行何所
向笑指巴烟郢樹是烏鵲慣南飛處路入南荒休騁望有
陶公戰艦空灘雨醺熱酒浪花舞 嚴君坐擁貔貅旅歷
江流一軍下瀨目無黃祖昨夜月明親饗士要素新填樂
府都不用陳琳阮瑀手掣紅旗翻破陣看郎君下筆驚鸚
鵡援臂種氣如虎

賀李丹壑京闈秋捷

閣學容齋
先生令嗣

年少真英發是當年茶陵相器鄴侯仙骨噴沫鬚嘶矜寵
甚所向全無空闕喜歷塊過都一抹商隱曾誇袁師好學
參軍祗解翻蒼鵲誰似爾最軒豁 詎闕家世高門閤美
便便藝林經筍嶒嶸突兀昨夜月娥臨桂殿笑倚水輪瞻
竈正付與天香時節來歲杏園花倍好捲東風十里珠簾

揭爭看汝綉袍纈

用辛稼軒陳同甫倡和原韻送王正子之襄陽明

春歸廣陵并囑其一示何生龍若

何名

立馬和君說到襄陽爲予先問洛中諸葛往日英雄潮打
盡怪煞怒濤崩雪今古恨總多于髮再問大堤諸女伴白
銅鞮可有閒風月誰彈向楚天瑟 纔逢燕市還分別悵
生平無多知己幾番離合此去武昌魚不少莫惜顏筋柳
骨要頻看鄭虔三絕一幅新詞淒涼犯囑來春并示何生
鐵霜夜吼劍花裂

題大司農五苗圖

梁蒼巖先生夢人贈宋繡一幅長松千尺下苗五苗是歲先生

第五苗生因各苗哥戊午秋先生招飲邸舍苗哥出揖屬爲此詞

齏面桃花雪美昌昌搓酥滴粉珠裝翠刷昨夜分明天上

冷玉免初肥時節早謫向姮娥宮闕騎上紫皇獐小鳳笑
群兒項領尋常物粗了了甚賢達 曾經入夢縹緲滑是
宣和寫生墨綉虬松都活今日荷衣能出拜果應蘭芽其
茁筭此事通都艷說摩頂苗哥須記取奮扶搖條鉞行當
掣家自有魏公笏

贈高內翰澹人

家傍紅牆裡美薇郎桃花綬帶翻何清綺白玉闌干黃金
鑰別殿秋晴似水頻宣召絲毫才子塵世那知天上景但
微聞奏賦天顏喜眉子硯澄心紙 鄙人瑣瑣吳蒙耳悵
生平潛踪屠釣埋名井里一領綠簑三弄笛伎倆如斯而
已只合向江南閒睡深感雲霄憑問訊筭人生幾度逢知
已燕市上浩歌起

酬贈王山長卽次來韻

城與銀河接正新秋千門碧瓦萬重晴雪薄宦京華愁不
了聊唱新詞數闋還卸取玉簪偷節曲犯梁州偏入破劈
關河幾陣風騷屑英雄恨甚時歇 襄樊軍鼓鳴金鐵問
當年周郎戰壘沙沉戟折一自幽蘭零落後只剩湘潭愁
客笑乞米頻勞書帖稍待酒香籬菊放儘生平細共先生
說恐又惹唾壺缺

送彭直上下第還鄧州兼柬賢兄中郎

且作平生話儘當筵拍張脫帽吹簫舞蔗身是隴西猿臂
種家世由來善射遭幾度藍田尉罵遲汝三年封侯事笑
誰今健筆兼騷雅彼李蔡人中下 臨岐老淚如鉛瀉趁
杯闌幡然竟去輕弓快馬到日賢兄憑寄語撩亂柳綿飛

也有別緒與之成把博望野花紅染血訴行藏風裡休悲
咤恐又震昆陽瓦

送家廣陵下第南歸海寧兼以誌慰

槐影搖清夏送君行紅亭綠酒輕衫細馬家世沙堤兼綉
戟誰不舊知名者况彩筆憑陵騷雅月殿桂華新掇取准
金臺買駿重論價又遲爾三年也真珠莫惜離筵瀉儘
人間群兒自貴底須悲詫昨見垂楊詞幾闕訴盡雨昏烟
嫁空歎息娉婷入畫自古柳爲天上宿蹤長條定遣籠鴛
瓦會相見龍墀下

廣陵有楊柳枝詞感遇絕佳

送西溟南歸和容若韻

時西溟丁內艱

三載徐園住記纏綿春衫雪屐幾曾離阻又作昭王臺畔
客日日旗亭畫句最難得他鄉歡聚眼底獨憐君落拓又

何堪鴈鳥啼紅去都不信竟如許 千絲漫理無頭緒問
愁悰原非只爲渭城朝雨如此人還如此別說甚凌雲遭
遇笑多少凝兒駭女本擬三冬長剪燭帳今番舊約成辜
負和殘菊隔籬語

雙魚問爲蘭牛叟賦

牛叟兌開遺徵日甲申子客金陵妻獨携子女避地吳越

常手書促子歸爲輕薄子歎
誠痛親教爲得性情之正

軍馬臺城裡記當年君留建業妾家吳市江左英雄今誰
在太息周郎已矣空還臘斜陽燕壘一派大江流日夜捲
銀濤舞上青山髻煩爲我遞雙鯉 寄書殷浩輕猿子却
翻言旁無知者臣開臣閉筆格簪花挑來覩不是一絨紅
淚也不賦竹竿魚尾昧旦鷄鳴相莊甚笑白頭吟與盤中
字兒女態補釵氣

送吳璚符歸武林

君去還來否倚西風頻搔短髻且攀衰柳詞句沉雄兼感
激似爾驚才希有論筆勢蒼然最陡可惜男兒分袂易徧
長安尋煞無紅袖誰爲我勸君酒 芒鞋憶昨三邊走正
嚴寒連營蠶帳幾重刁斗從古陰山花最少只有土花鋪
綉更只有六花狂吼今日秋容偏嫩灩小湖頭西子粧纔
就歸去也恰重九

爲馮躬暨催粧

躬暨益都夫子三世兄是日夫子
方有御書之賜白馬珊轡書中句

也

河畔秋還未美人閒鵲橋先駕紅絲雙繫隔巷新人車乍
到四角銀鈴鳳子已漸近槐廳門第相府沙堤行更穩簇
晶毬滿路玲瓏綴烟月下香塵沸 火城纔散朝回騎怡

下佳節團圓能幾有和病雲鬟揮涕縱病倘然人尙在也
未應我淚多如此彈不盡半襟雨如今賸有孱軀耳便
思量故鄉瓜果也成千里誰借針樓絲一縷穿我啼紅珠
子奈又說春蠶竟死囑付月鈞休歎灑幸憐人正坐羅窗
裡風乍吼粉雲起

中元感懷仍次前韻

節屆中元矣九門邊冷雲新畫明羅疊水朝罷千官紛笑
語知我凝情有幾悄背着紅墻流涕慘不成行西苑柳奈
秋來是物猶如此能禁得幾場雨總調薑橘徒然耳想
珊珊魂來也怯路三千里亟倩蘭陀張淨饌拋作貝多羅
子早勘破人間生死覺路蓮燈飄萬盞儘胭脂傾向銀塘
裡化一片彩霞起

中秋感懷再用前韻

皓魄飛來矣。鳳城邊打頭驚看一規涼水。今夜市樓歡笑
滿盡道此生經幾。只有箇人兒。雪涕便是月華圓不缺。到
良宵端正長如此。翻令我泪如雨。酸歌詎到姮娥耳。轉
嬋娟。淡人簾外一晴千里。醉奪吳剛脩月斧。腊盡金蟾免
子更斫得桂枝齊死。若使冰輪能解恨。照雲鬢但入重泉
裡。何必要又東起。

九日感懷再用前韻

又值題糕矣。滿長安繡旗斜颭。車如流水。記得杜陵重九
句。笑口此生開幾也。不似今番揮涕。誰去登高誰落帽。算
秋光枉了濃如此。轉不若多風雨。諸君未識吾悲耳。儘
豪狂。功誇漢武。智誇樗里。到得傷于哀樂後。幾陣隣家笛。

子心不許英雄不死歲歲黃花清瘦極有和花比瘦人簾
裡腸斷也怕提起

十月朔病中感懷仍用前韻

是日京城士女競燒
冥帛于門外謂之送

寒衣

伏枕經旬矣掩晴窗誰爲稱藥誰爲量水又報鳳城頽正
朔佳節來年有幾便有也徒增悲涕壁角風吹殘曆本細
於塵蛛網徧縈此新和舊恨如雨梵鐘故遞愁人耳是
隣家寄寒衣去北邙蒿里疇昔春衫誇樣好描盡花兒鳳
子纔直得紅蠶一死今日縱然隨例送怕燕粧難稱伊心
裡燒罷也綠灰起

臘月初六日是余生日卽亡婦忌辰也詞以志痛

仍用前韻

嫁與黔婁矣憶糟糠搥他不住兩眸清水爲我懸弧繙梵
夾下到瑤籤第幾直絮得鸚哥流涕今日蓮幢余轉拜願
相憐再世休如此花荻荻塵成雨安排果繫千支耳記
當年代占鷄卜徧央隣里更喚街南盲婦到彈動香蛇絃
子推測盡五行生死磨蝎早知真見祟便長貧恐客京華
裡朝飛雉寒難起

辛酉除夕恭遇 兩宮徽號覃恩臣妻亦沾一命
感懷紀事仍用前韻

一歲將闌矣悵年華挽他不住滔滔似水五十餘番婪尾
酒愁類今番有幾熾燭也替人流涕痴絕客冬逢是節盼
征輶尙冀人來此渾不道竟成雨 栖遲只爲君恩耳寧
不念茶香笋滑銅官故里今日五花沾一命波及臣之妻

子敢尚訴臣饑欲死倘比黃花人尚在製羅衣寄到深閨
裡雖病也定然起

迦陵詞全集卷二十八終